

UGOVOR O JAVNOJ NABAVCI

Lož ulja-ekstra lakog za potrebe JU Osnovne škole „Skender Kulenović” Sarajevo

zaključen putem direktnog sporazuma između:

JU OSNOVNA ŠKOLA SKENDER KULENOVIĆ

Sjedište: Dobrinjske bolnice br 18, 71 000 Sarajevo
koju zastupa direktor Esad Erović

Identifikacijski broj: 4200168250006
(u daljem tekstu: **Kupac**)

i

PETROL BH OIL COMPANY D.O.O. SARAJEVO,

Sjedište: Tešanjaska 24a, 71000 Sarajevo
kojeg zastupa direktor Gregor Žnidaršič

Identifikacijski broj: 4200505350000
(u daljem tekstu: **Prodavac**)

I. PREDMET UGOVORA

Član 1.

Predmet ovog ugovora je nabavka lož ulja-ekstra lakog za JU Osnovnu školu „Skender Kulenović“, Sarajevo, putem direktnog sporazuma i prema profakturi Prodavca broj 2412/20 od 24.12.2020. godine, a prema sukcesivnim potrebama i prema narudžbi Kupca.

II UGOVORENA CIJENA, NAČIN PLAĆANJA

Član 2.

Ukupna ugovorena cijena iznosi 3.437,83 KM sa PDV-om, a prema specifikaciji iz profakture Prodavca iz člana 1. ovog Ugovora

Kupac će plaćanje izvršiti avansno, na osnovu profakture dostavljene od strane Prodavca.

Ugovorna pojedinačna cijena lož ulja-ekstra lakog je promjenjiva u zavisnosti od kretanja cijene nafte i naftnih derivata na svjetskom tržištu. Kupac se obavezuje platiti pojedinačnu cijenu robe prema važećoj tržišnoj cijeni na dan isporuke robe. U slučaju promjene cijene Prodavac će obavijesti Kupca o promjeni cijene i isporučiti robu po važećoj cijeni na dan isporuke.

III. OBAVEZE PRODAVCA

Član 3.

Prodavac se obavezuje da će lož ulje-ekstra lako isporučiti Prodavcu na paritetu FCA skladište Kupca najkasnije 72 sata po prijemu uplate .

Prodavac se obavezuje da će predmetna isporuka roba (lož ulje-ekstra lako) odgovarati važećim propisima o kvaliteti usklađenim sa Odlukom Vijeća Ministara o kvaliteti tečnih, naftnih goriva, garantovanog kvaliteta shodno parametrima i važećim propisima.

Prodavac se obavezuje da će nakon isporučene robe Kupcu ispostaviti fakturu.

IV. OBAVEZE KUPCA:

Član 4.

Kupac se obavezuje da izvrši avansno plaćanje ugovorene cijene na osnovu profakture Prodavca.

Kupac obavlja kvalitativni i kvantitativni prijem robe na mjestu isporuke, a kvalitet robe mora odgovarati važećim propisima o kvaliteti nafte i naftnih derivata u Bosni i Hercegovini.

Sve eventualne reklamacije Kupac je obavezan dostaviti Prodavcu pisanim putem odmah, odnosno najkasnije u roku od 2 (dva) dana, od dana prijema robe.

V. RASKID UGOVORA

Član 5.

Kupac može pisanim obavještenjem poslatim Prodavcu, navodeći pri tome stupanje na snagu raskida, raskinuti ovaj Ugovor ukoliko Prodavac propusti da isporuči robu koja je predmet ugovora.

Prodavac može raskinuti ovaj ugovor na način istovjetan kao i Kupac, u slučaju kada Kupac ne ispuni na vrijeme i u cijelosti svoju obavezu plaćanja definisanu u članu 4. stav 1. ovog Ugovora.

VI. OSTALE ODREDBE

Član 6.

Na sve odnose koji nisu navedeni u ovom Ugovoru, a pojave se u njihovoj realizaciji, primjenjivaće se odgovarajuće odredbe Zakona o obligacionim odnosima.

Član 7.

Ugovorne strane su saglasne da će sve sporove koji nastanu u toku i u vezi sa realizacijom ovog ugovora, rješavati sporazumno, u protivnom ugovaraju nadležnost Općinskog suda u Sarajevu.


Član 8.

Ovaj Ugovor se primjenjuje danom potpisivanja od obje ugovorne strane, a sačinjen je u 4 (četiri) primjerka, od kojih svaka ugovorna strana zadržava po 2 (dva) primjerka.

Sarajevo, 30.12.2020. godine

JU Osnovna škola „Skender Kulenović“ Sarajevo

Direktor Esad Erović


Bor. 534/20

Petrol BH Oil Company d.o.o.

Direktor Gregor Znidaršič